



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CDLVIII. Markgraf Johann bestätigt der Stadt Frankfurt ihre Dörfer im Lande Sternberg, am 27. April 1538.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

CDLVII. Kurfürst Joachim bittet den Rath zu Frankfurt um Verbriefung einer von ihm
contrahirten Schuld von 1500 Gulden, am 24. Juni 1537.

Wir Joachim, von gots gnaden Marggraff zu Brandenburg, des heiligen Romi-
schen Reichs Ertzcamerer vnd Churfürst, zu Stettin, pommern, der Cassuben vnd wenden Hertzog,
Burggraue zu Normberg vnd Furst zu Rugen, wollen euch vnsern lieben getrewen Burgermeistern
vnd Rathmannen vnser Stadt Franckfurt gnediglich nicht bergen, Das wir euch In dieser vor-
schreibung gegen vnsern lieben getrewen Hieronimus Jobsten vber funffzehn hundert gulden
vnd derselben Jerlichen Zinsen zu selbschulden vnd Heuptsachern gemacht, wie Ir daraus zuuo-
nehmen; Begern wir an euch hiemit beuhelende, Ir wollet diese vorschreibung neben vns Siegeln,
euch zu selbschulden vor vns machen, wie wir dann solich funffzehen hundert gulden Heuptsumma
empfangen vnd in vnsern Nutz vnd frommen gewandt haben, Ine Hieronimus Jobst oder sei-
nen erben demselben nach Inhalt der Vorschreibung Ire Jerliche Zins aus vnsern gefellen des Bier-
gELTS vnd andern Jerlichen entrichten vnd in vnser Rechnung bringen, daran wir euch hiemit
wollen vorwiesen haben, Gereden vnd vorseprechen darauff vor vns, vnser Erben, euch vnd ewer
nachkommen fur vnd fur, dieweil dieser widerkauff steht, an Heuptgut vnd Zins vnd scheden
nach Inhalt dieser vorschreibung In alle wege zuuertreten vnd schadlos zu halten, Wie sich der
zutruge, nichts ausgenhomen, vnd thun das hiemit wissentlich, In crafft vnd macht dits briues ane
geuerde. Zu urkunt mit vnserm anhangenden Ingesiegel besiegelt vnd geben zu Colln an der
Sprew, am tage Johannis Baptiste, Nach Christi vnfers hern geburt Taufent funffhundert vnd im
Sieben vnd dreissigsten Jare.

Nach dem Orig. des Stadtarchives VIII, 3, 81.

CDLVIII. Markgraf Johann bestätigt der Stadt Frankfurt ihre Dörfer im Lande Sternberg,
am 27. April 1538.

Von Gots gnaden Wir Johannis, Marggraff zu Brandenburgk, zu Stettin, Pom-
mern, der Cassuben vnd Wenden Hertzogk, Burggraff zu Nurembergk vnd Fürst zu Rugen, Be-
kennen hiemit diesem vnserm offen brieffe vor vns, vnser Erben vnd nachkommen, Marggrauen
zu Brandenburgk vnd sunst vor yedermenniglich, die yn sehen, horen ader lesen, Nachdem wir
von vnsern lieben getrewen Bürgermeister vnd Rathmannen der Stadt Franckfurdt an der
Oder vndertheniglich angefucht, Das wir ynnen genediglich wolten confirmiren vnd bestetigen
die dorffer, Molen, Pusche, welde, heiden, wiesen vnd alle yre güther, So sie Jennerhalb der Oder,
ynn vnserm Lande zu Sternebergk gelegen, haben; Demnach so haben wir angesehen yre ge-
trewe, vnntherthenige, willige dinste, die sie vnserm gnedigen, freuntlichen, lieben hern vnd va-
tern, seliger vnd loblicher gedencken, auch andern vnsern vorfharen, Marggrauen zu Branden-
burgk, getrewlich vnd guttwillig gethan, vns vnd vnsern nachkommenden herfchafften von solchen

guthern nachmals thun sollen vnd mogen vnd haben ynen Confirmiret, bevestet vnd bestetiget, Confirmiren, beselten vnd bestetigen genanten Bürgermeister vnd Rathmannen der Stadt Franckfurt an der Oder, die nuh seyn vnd in zukunfftigen seyn werden, in Crafft vnd macht dits vnfers offenen briefes, alle yre dorffer, mit nhamen Kunitz, Reypztzigk, Schwedke, Connerstorff vnd Trettyn vnd die Müle zu Reypztzigk vnd sunst alle vnd jede yre Mülen, Püfche, welde, heyden, wiesen vnd alle yre güther, so sie jennerhalb der Oder yn vnferm Lande zu Sternebergk haben, mit allen vnd yeden yren gnaden, gerechtigkeiten, freyheiten, obersten vnd niedersten gerichtten vnd allen andern gebreuchen, wie vor alters vnd bis anher zugeniesen, ynnen behalten, zubesitzen vnd gebrauchten, vor vns, vnferm Erben vnd nachkommen vngehindert, Doch das vns, vnferm Erben vnd nachkommenden davon der hufenschofz vnd Landfolge beschee vnd sunst menniglichs rechten ane schaden, getrewlich vnd ane gefherde. Zu vrkundt mit vnferm anhangendem yngesiegel besiegelt vnd geben auff vnferm Schloß zu Cüftryn, am Sonabent nach den heyligen Osterfeyrtagen, Christi vnfers lieben herrn geburd Im funffzehenhundersten vnd acht vnd dreyßigsten Jare.

Commissio propria
principis etc.

Frantz Nawman,
Cancellarius.

Nach dem Orig. des Stadtarchives, Gen.-Confirm. 1.

CDLIX. Kurfürst Joachim befehlet Dr. Lorenz Schreck zu Frankfurt mit der Mühle in der Klingen und mit verschiedenen Hebungen, am 30. Januar 1539.

Wyr Joachim, von Gots gnaden Marggrauen zu Brandenburgk, desz hailigen Romischen Reichs Ertzkammerer vnd Churfurt, zu Stettin, Pommern, der Cassuben, Wenden vnd in Schlesyen zu Croffen hertzog, Burckgraue zu Nürnbergk vnd fürst zu Ruegen, Bekennen vnd thuen kundt offentlig mit diezem briefe vor vnß, vnßere Erben vndt Nachkommende Marggrauen zu Brandenburgk vnd sonst allermennigklichen, Dasz wir nach totlichem abgange etwan desz hochgebornen Fürsten, herren Joachims, Marggrauen zu Brandenburgk, Churfürsten etc., vnfers gnedigen vnd furnemlichen lieben hern vnd Vatter, zu seliger vnd löblicher gedechtnus, dem hochgelartten vnßern Radt vnd lieben getreuen Ern Lorentzen Schrecken, Doctorn, Sindico vnd Bürgermeistern Im vnserer Stadt Franckfordt vnd seinen manlichen leyblz lebensz Erben dieselze hirnach geschriebenne guetter vnd garliche zinz zu rechtem Manlehn gnedigklich gelehnen haben, alsz Nemblichen die Mhole In der klingen, vor vnßer Stat Franckffort gelegen, die garlichen zwey winßpell vnd vier scheffell korns zu pacht gebt, sampt dem Mohleteich, beyden vffern, holtzungen, wysen vnd grafungen ober vnd vnderhalben der Mholen vnd sonst mit allen anderen zugehorungen vnd gerechtikeitten, wie die Ghabriell schlegell Inen gehabt vnd sonst vor alterßz daran gehort, nichts aufzgenommen, Item drey schock vnd zwentzig groschen jherlicher vffhebung auff vnferm Rathhause zu Franckfordt an der Odern vnd dozu noch ein schogk an gelde jherlicher auffhebung auff vnferm Zcolle zu Franckffordt, auff Walpur-